

## UGOVOR O OSIGURANJU UPOSLENIKA

### UGOVORNE STRANE:

**1. Bosna i Hercegovina, Federacija Bosne i Hercegovine, Kanton Sarajevo, Zavod za informatiku i statistiku** (u daljem tekstu: Zavod), sa sjedištem u ulici Reisa Džemaludina Čauševića 1, Sarajevo, koga zastupa direktor, gosp. Timur Gadžo, (u daljem tekstu: Osiguranik)

Identifikacioni broj: 4200662290002

Poreski broj : 01078614

Transakcijski račun broj: 3389002208333632 kod UniCredit Bank d.d. Mostar

i

**2. ASA Osiguranje DD Sarajevo**, sa sjedištem u ulici Trg međunarodnog prijateljstva 25, 71000 Sarajevo, koga zastupa direktor, Feđa Morankić.(u daljem tekstu: Osiguravač)

Identifikacioni broj: 4201261240009

Transakcijski račun broj: 1346101000166141 ASA BANKA d.d. Zenica

### I PREDMET I VAŽENJE UGOVORA

#### Član 1.

Predmet ovog Ugovora je pružanje usluga:

- kolektivnog osiguranja uposlenika - osiguranika Zavoda za informatiku i statistiku Kantona Sarajevo od posljedica nesretnog slučaja ( nezgode ) za vrijeme rada i u slobodno radno vrijeme , tokom 24 sata bez vremenskog i prostornog ograničenja;
- kolektivno osiguranje uposlenika se vrši prema uslovima ponude osiguravača, zaprimljene pod brojem: 26-14-19-1/18 od 13.01.2018. godine.

Ponuda za osiguranje uposlenika je sastavni dio ovog Ugovora.

Opći i Dopunski uvjeti za osiguranje lica od posljedica nesretnog slučaja/nezgode, Izmjene i dopune Općih uvjeta za osiguranje od posljedica nesretnog slučaja/nezgode i Tablice za određivanje postotka trajnog invaliditeta kao posljedice nesretnog slučaja/nezgode, čine sastavni dio ovog Ugovora.

Osiguravač se obavezuje da će u skladu sa uslovima date i prihvaćene ponude isključiti primjenu tzv. „karence“.

#### Član 2.

Ugovor važi 12 mjeseci od dana potpisivanja.

### II KOLEKTIVNO OSIGURANJE ZAPOSLENIKA

#### Član 3.

Osiguranje po ovom Ugovoru pokriva posljedice nesretnog slučaja-nezgode za smrt usljed bolesti, smrt usljed nezgode i invaliditeta, nastalih nad svim uposlenicima Osiguranika pojedinačno.

Osigurani slučaj podrazumjeva iznenadni, nepredviđeni i od volje osiguranika nezavisni događaj koji se desi za vrijeme rada i u slobodno radno vrijeme, tokom 24 sata bez vremenskog i prostornog ograničenja, tj. Osiguravač se obavezuje da će Osiguraniku isplatiti naknadu štete ako štetni događaj ima za posljedicu:

Smrt uslijed bolesti	5.000,00 KM,
Smrt uslijed nezgode/nesretnog slučaja	85.000,00 KM,
Trajna invalidnost	178.000,00 KM.

Za kolektivno osiguranje uposlenika od posljedica nezgode/nesretnog slučaja izdat će se policica o osiguranja posebno za svaki organ koji je sastavni dio Kantona Sarajevo (u daljem tekstu „organ/i“). U policama osiguranja se navodi broj osiguranih osoba i iste čine sastavni dio ovog Ugovora.

Spisak sa brojem i imena uposlenika za organe, pripremit će Osiguranik i isti odmah dostaviti Osiguravaču.

### III PRAVA I OBAVEZE UGOVORNIH STRANA

#### Član 4.

Osiguranik se obavezuje:

Dostaviti odmah broj i spisak uposlenika po organima (brojno stanje);

U slučaju nastupa osiguranog slučaja poduzeti sve mjere u okviru mogućnosti za zaštitu uposlenika;  
Nakon nastupa osiguranog slučaja obavijestiti Osiguravača o istom, uz dostavu svih podataka kojima raspolaže, a koji se odnose na utvrđivanje uzroka osiguranog slučaja;  
Ukoliko dođe do eventualnih promjene broja uposlenika, Osiguranik je dužan odmah Osiguravaču dostaviti podatke o promjenama, na osnovu kojeg će izdavatelj izdati fakturu.

Osiguravač se obavezuje:

Na osnovu pripremljenih i dostavljenih spiskova izraditi i uručiti police osiguranja svakom organu Kantona Sarajevo;

Obavijestiti Osiguranika o svim promjenama koje mogu uticati na uslove osiguranje uposlenika,

Isplatiti nastalu štetu ODMAH, a najkasnije u roku ne dužem od 30 /trideset/ dana, od momenta kompletiranja dokumentacije potrebne za utvrđivanje pravne osnovanosti i visine odštetnih zahtjeva.

#### IV PREMIJA OSIGURANJA ZA KOLEKTIVNO OSIGURANJE

##### Član 5.

Ugovorena premija osiguranja iznosi mjesečno 4,95 KM po uposleniku, odnosno, premija osiguranja na godišnjem nivou iznosi 59,40 KM po uposleniku.

#### V USLOVI I NAČIN PLAĆANJA

##### Član 6.

Plaćanje ugovorene premije osiguranja iz ovog Ugovora će se vršiti na slijedeći način:

Osiguravač će Osiguraniku ispostaviti fakturu, u skladu sa izdatim policama osiguranja do cjelokupnih iznosa osiguranja iz ovog Ugovora;

Osiguranik se obavezuje da ugovorenu premiju osiguranja do cjelokupnog iznosa plati najdalje u roku od 90 /devedeset/ dana od dana ispostavljanja fakture.

##### Član 7.

Ugovorne strane će nastojati svaki spor, iz Ugovora ili u vezi s izvršenjem istog, riješiti pregovorima i u duhu dobrih poslovnih odnosa.

Ako se pregovorima i u duhu dobrih poslovnih odnosa sporovi iz prethodnog stava ne mogu u razumnom roku riješiti, sve sporove iz Ugovora i u vezi s njim, uključujući i sporove koji se odnose na pitanja njegovog valjanog nastanka, povrede ili prestanka, kao pravne posljedice koje iz toga proističu, konačno će se riješiti pred nadležnim sudom u Sarajevu.

##### Član 8.

Ovaj Ugovor je sastavljen u 4 (četiri) primjerka, od čega svaka od ugovornih strana zadržava po 2 (dva) primjerka.

**Osiguranik:**

**Zavod za informatiku i statistiku Kantona Sarajevo**

**Timur Gadžo, dipl.ing.el.  
Direktor**

Broj: 26-14-19-3 /18  
Sarajevo, 22.01.2018. godine



**Osiguravač:**

**ASA Osiguranje dd**

**Feda Morankić  
Direktor**

1-175/18

